

• 20 - 26 Mac 2012

BERITA HARIAN

minda
Pelajar berilmu

Bil 853

**Fokus
PMR**

BAHASA MELAYU
Kata Adjektif

muka 7

BAHASA INGERIS
Sentence Connectors

muka 12

SEJARAH

Kewibawaan Kesultanan Melayu Melaka

muka 15

Pelajar Sekolah Menengah Kebangsaan Tinggi Kajang (dari kanan) Cheong Shing, 19, Goh Wan Xien, 19 dan Agileswary, 19, berganding bahu menanam anak benih pokok bakau kurap di Teluk Rubiah, Kuala Gula, Perak, baru-baru ini.



Pemuliharaan bakau

LIHAT MUKA 2

KOMSAS

9

Novel di Sebalik Wajah

11

**KEMAHIRAN
BAHASA**

Laman 'Facebook'
atau 'Muka Buku'

14

**LANGUAGE
SKILLS**

Light and English

SEMINAR PMR

Tarikh: 28 - 29 April 2012 / Tempat: NSTP, Bangsar • Tarikh: 31 Mac - 1 April 2012 / Tempat: UiTM, Shah Alam



Peserta berpeluang belajar membuat kraf tangan menggunakan kulit kerang.

Kesedaran alam sekitar

DARI MUKA 1

Mereka terdiri daripada pelajar berusia 13 hingga 18 tahun dari Sekolah Menengah Kebangsaan (SMK) Teloi Kanan, Baling, Kedah; SMK Batu Kawan, Seberang Perai Selatan, Pulau Pinang dan Sekolah Menengah Tinggi Kajang, Selangor.

Penyelaras program, Encik Balu Perumal, berkata program anjuran Global Environment Centre (GEC) dan Sahabat Hutan Bakau (SHB) Kuala Gula, Perak itu mendapat geran daripada Shell Sustainability Grand di atas kepentingan pembabit masyarakat khususnya generasi muda, di dalam program pemulihan hutan paya bakau.

Katanya, SHB Kuala Gula diwujudkan pada tahun 2008 dan

disertai oleh komuniti setempat daripada pelbagai lapisan usia hasil kesedaran dan kebimbangan mereka terhadap kemerosotan kualiti hutan paya bakau dan ekosistemnya.

"Selain itu, bencana tsunami yang melanda pada tahun 2004 turut memberi kesan besar kepada negara ini sekali gus menyebabkan masyarakat semakin peka terhadap kepentingan membaik pulih hutan bakau yang boleh dijadikan benteng bencana itu dan mengurangkan kesan hakisan pantai.

"Selain program pendidikan dan kesedaran alam sekitar membabitkan pelajar, SHB turut terbabit dalam proses pengumpulan anak benih bakau, penubuhan tapak semaian, penanaman semula hutan

bakau melalui aktiviti gotong-royong, rondaan dan pemantauan kawasan tanaman bakau.

"Usaha berterusan inilah yang mahu ditonjolkan kepada pelajar yang menyertai program kali ini supaya mereka sedar pembabit secara aktif, walaupun sedikit, mampu memberi kesan terhadap ekosistem hutan bakau di negara ini," katanya.

Menurut Encik Balu, Kuala Gula menjadi pilihan bagi pelaksanaan projek perintis SHB kerana ia salah satu daripada lokasi yang terkenal dengan laluan penghijrahan burung di negara ini sekali gus menjadi kawasan tumpuan pelancong dan pemerhati burung.

Program yang dikendalikan oleh 40 orang ahli SHB dan dibantu



Beberapa orang peserta memasukkan benih pokok bakau ke dalam polibeg hitam di Tapak Semai Benih Bakau.

| MUHAIZAN YAHYA BERITA HARIAN



Sukarelawan program, Encik Samad Atan menunjukkan cara menanam anak benih pokok bakau kurap kepada beberapa orang peserta.

sukarelawan GEC bermula dengan taklimat seawal jam 8 pagi sebelum pelajar dibawa menaiki bot menyusuri sungai menuju ke Teluk Rubiah yang dijadikan lokasi proses penanaman semula anak pokok bakau.

Peserta kelihatan gembira, teruja dan tidak kekok walaupun terpaksa mengharung lumpur bagi menjayakan matlamat untuk memulihara ekosistem hutan paya bakau.

Sebanyak 2 000 batang anak pokok bakau ditanam dalam masa kira-kira satu setengah jam.

Selepas itu, peserta dibawa melawat Muzium Burung di Pusat Konservasi Hidupan Liar dan kampung berhampiran, melihat pameran dan video pemulihan hutan bakau, menyertai kuiz dan belajar membuat kraf tangan menggunakan kulit kerang.



Sebahagian peserta program sambutan Hari Tanah Lembap Sedunia 2012 bergambar selepas berjaya menanam 2 000 batang anak pokok bakau di Kuala Gula, Perak baru-baru ini.